



Bosna i Hercegovina  
Federacija Bosne i Hercegovine  
**KANTON SARAJEVO**  
**Ministarstvo privrede**

**G O D I Š N J A K**  
**O RADU MINISTARSTVA PRIVREDE**  
**ZA 2014. GODINU**

Sarajevo, januar/2015. godine

## RIJEČ MINISTRA

Poštovani čitaoci!

Ministarstvo privrede i u 2014. godini, pored svojih redovnih aktivnosti vršenja upravnih i stručnih poslova u oblasti privrede, vodoprivrede, poljoprivrede, šumarstva i lovstva, veterinarstva, industrije i energetike, obrta, korišćenja prirodnih bogatstava, kantonalnog turizma i turističkih resursa, trgovine i ugostiteljstva, nastavlja da ostvaruje značajne rezultate. Kroz aktivnosti u javnim preduzećima koja su u nadležnosti ovog ministarstva i praćenjem rada ovih preduzeća i sagledavanjem stanja u njima, preduzimane su mjere za poboljšanje stanja, kao i za rješavanje uočenih problema u oblasti privrede.

I u ovom pregledu godišnjih aktivnosti predstavili smo pravnu regulativu, kapitalne projekte, prikazali postignute rezultate i značajnije aktivnosti u 2014. godini, kao planirane aktivnosti i izvršenje planiranih kontinuiranih poslova.

Organizovani "Međunarodni poslovni forum" u saradnji sa Britanskim vijećem u BiH (British Council in BiH) bio je prilika da se predstavi Kanton Sarajevo kao potencijalna investicijska destinacija, da se stručnjaci iz regije koji se bave istim poslom bolje upoznaju, razgovaraju i razmjene informacije o poslovnim izazovima današnjice i uspostave kontakti između privrednika. Ne možemo očekivati da će se u kratkom vremenu desiti neka značajnija ulaganja koja će zaposliti veliki broj ljudi, ali činimo sve napore kako bi naše potencijale predstavili na što bolji način i potaknuli privredni razvoj obzirom da je privredni razvoj ključan za napredak i opstanak svakog društva.

Nastavljena je saradnja sa Sarajevskom regionalnom razvojnom agencijom na projektima EU, kao i sa Predstavništvom Kantona u Briselu u cilju promocije privrede Kantona Sarajevo, razmjene aktuelnih informacija na putu ka evropskim integracijama i učinkovitu pripremu za korištenje fondova Evropske unije u 2015. godini.

Zahvaljujemo se građanima Kantona Sarajevo, domaćim i međunarodnim partnerima koji su također zaslužni za naše rezultate rada.

MINISTAR  
Mr.Sc. Emir Hrenovica

## I UVOD

Ministarstvo privrede izvršava poslove i zadatke koji proizilaze iz Ustava Federacije Bosne i Hercegovine, federalnih zakona, Ustava Kantona Sarajevo, kantonalnih zakona, kao i drugih propisa iz oblasti koje su u nadležnosti ministarstva, te posebnih odluka i zaključaka Skupštine i Vlade Kantona Sarajevo kojima se utvrđuju zadaci Ministarstva.

Osnovne nadležnosti Ministarstva privrede su upravni, stručni i drugi poslovi koji se odnose na nadležnosti Kantona u oblasti privrede, vodoprivrede, poljoprivrede, šumarstva i lovstva, veterinarstva, industrije i energetike, obrta, korištenja prirodnih bogatstava, kantonalnog turizma i turističkih resursa, trgovine i ugostiteljstva.

Kao jedna od značajnih aktivnosti Ministarstva privrede u 2014. godini je izrada nacrtu Zakona o podsticaju razvoja male privrede.

Na osnovu Zakona o šumama Kantona Sarajevo doneseni su podzakonski akti:

- Pravilnik o načinu utvrđivanja i nadoknadi štete pričinjene u šumama i na šumskom zemljištu doznake i obilježavanja površina za sječu šume (“Službene novine Kantona Sarajevo” broj 20/14);
- Pravilnik o načinu praćenja zdravstvenog stanja šuma (“Službene novine Kantona Sarajevo” broj 8/14);
- Pravilnik o elementima za izradu, postupku donošenja i reviziji šumsko privrednih osnova (“Službene novine Kantona Sarajevo” broj 19/14);
- Pravilnik o obimu mjera za uspostavljanje i održavanje šumskog reda i načina njihovog provođenja (“Službene novine Kantona Sarajevo” broj 8/14);
- Pravilnik o uslovima koje moraju ispunjavati izvođači radova u šumarstvu (“Službene novine Kantona Sarajevo” broj 9/14);
- Pravilnik o postupku i kriterijima za dodjelu namjenskih sredstava u oblasti šumarstva iz budžeta Kantona Sarajevo (“Službene novine Kantona Sarajevo” broj 19/14);
- Pravilnik kojim se propisuje obrazac zapisnika o tehničkom prijemu radova u šumarstvu (“Službene novine Kantona Sarajevo” broj 8/14);
- Pravilnik o načinu obračuna direktnih i indirektnih šteta uzrokovanih šumskim požarima (“Službene novine Kantona Sarajevo” broj 30/14);
  
- Pravilnik o načinu izvršavanja zadataka, obliku i sadržaju legitimacije čuvara šuma, izgledu uniforme i općim kriterijima za utvrđivanje čuvarskih rejonu (“Službene novine Kantona Sarajevo” broj 12/14);
- Pravilnik o načinu vođenja katastra šuma za državne i privatne šume (“Službene novine Kantona Sarajevo” broj 12/14);
- Pravilnik o načinu obilježavanja granica državnih šuma i šumskog zemljišta, o vrsti i postavljanju graničnih znakova (“Službene novine Kantona Sarajevo” broj 12/14);

Na osnovu Zakona o novčanim podsticajima u poljoprivredi na području Kantona Sarajevo donesen je podzakonski akt - Odluka o iznosima novčanih podsticaja, minimalnim uslovima za početak proizvodnje, minimalnim uslovima za investiranje i rokovima za podnošenje zahtjeva za 2014. godinu.

Ministarstvo privrede je u 2014. godini bilo nosilac izrade 43 akta, čije donošenje je u nadležnosti Skupštine Kantona Sarajevo i Vlade Kantona Sarajevo, kao i niz pojedinačnih akata za čije donošenje je nadležno Ministarstvo.

## **II KAPITALNI PROJEKTI**

### ***Sanacija i rekonstrukcija stadiona za brzo klizanje na Zetri - "ZOI '84" Olimpijski centar Sarajevo***

U Budžetu za 2014. godinu planirana je podrška projektima KJP "ZOI '84" Olimpijski centar Sarajevo d.o.o. Sarajevo u iznosu od 2.500.000,00 KM. Kanton Sarajevo je obezbjedio finansijska sredstva iz kredita Razvojne banke F BiH na ime projekta "Sanacije i rekonstrukcije stadiona za brzo klizanje na Zetri". KJP "ZOI '84" Olimpijski centar sarajevo d.o.o. Sarajevo je proveo 4 tenderska postupka za izbor izvođača radova na navedenom Projektu Lot 1 – faza 1, koja nisu rezultirala finalnim odabirom izvođača i sklapanjem ugovora sa istim. Ponude su bile značajno veće od budžetom predviđenih sredstava za projektom predviđene radove Lot 1 – faza 1. U vezi s tim neophodno je izvršiti korekciju Glavnog projekta, izrađenog od strane IPSA instituta, te nakon toga pokrenuti tendersku proceduru za odabir izvođača radova za Lot 1- faza 1 predmetnog Projekta.

### ***Sanacija i rekonstrukcija građevinskih objekata KJP Centar "Skenderija"***

U Budžetu za 2014. godinu planirana je podrška projektima KJP Centar "Skenderija" d.o.o. Sarajevo u iznosu od 1.000.000,00 KM. Kanton Sarajevo je obezbjedio finansijska sredstva iz kredita Razvojne banke F BiH za zamjenu nikon ploča u Ledenoj dvorani i sanaciji čeličnih rešetki AB ploča Platoa ispod trgovki A faze.

U 2014. godini izabran je ponuđač za izradu izvedbenih projekata, a građevinski radovi će se vršiti u 2015. godini. Po dobijanju izvedbenih projekata i predmjera radova pristupiće se javnoj nabavci za odabir najpovoljnijeg ponuđača za realizaciju zamjene međuspratne konstrukcije između sajamske dvorane i garaže koja je predviđena za zamjenu Elaboratom IMK kao trajno rješenje i sanaciju čelične konstrukcije u dijelu privrednog grada ispod trgovki "A faza". Pored uklanjanja i zamjene međuspratne konstrukcije bit će izvršena izgradnja svih pripadajućih instalacija u ovim prostorima, i to: elektro instalacije, instalacije vode i odvoda, instalacije zagrijavanja, ventiliranja i klimatiziranja, protivpožarne instalacije, instalacije akustike i telekomunikacija.

### ***Regulacija i uređenje riječnih korita***

Regulacija rijeke Zujevine u naselju Blažuj- nastavak započetih radova iz 2013.  
godine.....94.566,65 KM  
Regulacija rijeke Krsinje u Pendičićima- projekat odobren i nerealizovan u 2013.  
godini .....50.000,00 KM  
Sredstva za aktivnu odbranu od poplava prema Kantonalnom operativnom planu KOP-u  
.....46.633,35 KM  
Izrada Petogodišnjeg plana upravljanja vodama na području Kantona  
Sarajevo .....20.000,00 KM

Ukupno: .....211.200,00 KM

Realizacija programa je u toku i do sada je izvršena realizacija programa cca 60 %

### ***Šumsko-privredne osnove***

Šumsko-privredne osnove su temeljni dokumenti za optimalno gospodarenje šumskim ekosistemima. U skladu sa Zakonom o šumama Kantona Sarajevo ("Službene novine Kantona Sarajevo" broj 5/13) član 9. stav 3. šumsko-privredne osnove za sve šume donosi Uprava za šumarstvo uz pribavljeno mišljenje Općinskog vijeća, a isti se ne mogu primjenjivati prije nego ih odobri Ministarstvo privrede. Shodno članu 9. stav 6. poslove izrade šumsko-privrednih osnova finansira Uprava za šumarstvo i odgovorna je za njihovu pravovremenu izradu. Primjenjujući navedeno Ministarstvo privrede-Uprava za šumarstvo je raspisala javni poziv za odabir najpovoljnijeg ponuđača za izradu šumsko-privredne osnove za ŠGP "Bistričko" i ŠGP "Trnovsko". Ponude su dostavljene od strane "Bosanskohercegovačkih šuma" iz Sarajeva, "Wald projekta" iz Bosanske Krupe i "Šuma plana" iz Banja Luke. Obzirom da ponude nisu bile potpune ovaj javni poziv je poništen. U ponovljenom javnom pozivu prijavile su se iste firme kao u prvom javnom pozivu, a otvaranje pristiglih ponuda izvršeno je 15.10.2014. godine. Nakon zakonske procedure Komisija je za izradu šumsko-privrednih osnova za ŠGP "Bistričko" i ŠGP "Trnovsko" izabrala projektantsku kuću "Wald projekt" iz Bosanske Krupe. Potpisivanje ugovora između Ministarstva privrede i "Wald projekt" iz Bosanske Krupe izvršeno je krajem decembra 2014. godine.

Shodno Zakonu o šumama Kantona Sarajevo ("Službene novine Kantona Sarajevo" broj 5/13) član 9. stav 6. navedeno je da nadzor nad izradom šumsko-privredne osnove obezbjeđuje Ministarstvo privrede-Uprava za šumarstvo, kao i finansiranje po članu 62. stav 1. tačka d. Uvažavajući navedeno Ministarstvo privrede-Uprava za šumarstvo je raspisala javni poziv za odabir najpovoljnijeg ponuđača za provođenje postupka nadzora izrade šumsko-privredne osnove za ŠGP "Bistričko" i ŠGP "Trnovsko". Po provedenom konkurentskom pozivu prijave su stigle od Šumarskog fakulteta iz Sarajeva i "Bosanskohercegovačkih šuma" iz Sarajeva. Navedeni poziv je poništen i ponovo raspisan. Kako je predviđeno odredbama Zakona o šumama Kantona Sarajevo i u skladu sa principima kontinuiteta gospodarenja šumama na području Kantona Sarajevo Ministarstvo privrede-Uprava za šumarstvo dala je saglasnost broj: 07-07-26-20420-7/13 od 07.11.2014. godine na šumsko-privrednu osnovu za ŠGP "Gornjebosansko"-dio sa periodom važenja od 01.01.2013. godine do 31.12.2022. godine. Ministarstvo privrede je dalo odobrenje da se ista može primjenjivati u navedenom periodu.

### ***Kantonalni šumsko-razvojni plan***

Prema Zakonu o šumama Kantona Sarajevo ("Službene novine Kantona Sarajevo" broj 5/13), odnosno članu 75. stav 1., Ministarstvo privrede je dužno izraditi kantonalni šumsko-razvojni plan u roku od dvije godine od dana stupanja na snagu ovog zakona. Pošto se isti primjenjuje od 07.02.2013. godine, Uprava za šumarstvo je pristupila raspisivanju javnog poziva za odabir najpovoljnijeg ponuđača za izradu navedenog plana.

### ***Deminiranje šuma i šumskog zemljišta***

Ministarstvo privrede-Uprava za šumarstvo u okviru Operativnog plana za provođenje šumsko-uzgojnih radova i radova na zaštiti šuma na području Kantona Sarajevo u 2014.

godini na poziciji kapitalnih investicija planirala je sredstva u iznosu od 300.000,00 KM za deminiranja državnih šuma i šumskog zemljišta.

### ***Sufinansiranje i finansiranje projekata apliciranih od KJP „Sarajevo-šume“ iz oblasti šumsko-uzgojnih radova i radova na zaštiti šuma***

U 2014. godini od strane KJP “Sarajevo-šume“ d.o.o. Sarajevo aplicirano je 91 projekat i 4 projekta Šumarskog fakulteta Univerziteta u Sarajevu. Nakon analize projekata od strane Komisije za verifikaciju projekata odobreno je finansiranje 34 projekata KJP “Sarajevo-šume“ i 4 Šumarskog fakulteta. Od ukupnog broja projekata 57 projekata nisu prihvaćena za finansiranje, jer isti ne ispunjavaju kriterije za dodjelu namjenskih sredstava za finansiranje projekata iz sredstava budžeta Kantona Sarajevo.

Ova sredstva su planirana na osnovu prihoda i analize utroška sredstava u prethodnim godinama, te procjenjenih prioriteta iz domena šumsko-uzgojnih radova i radova na zaštiti šuma koje će provesti KJP “Sarajevo-šume“ d.o.o. Sarajevo.

U tom kontekstu izrađen je Operativni plan za provođenje šumsko-uzgojnih radova i radova na zaštiti šuma u 2014.godini, u kojem su sadržana sredstva koja će se utrošiti po osnovu sufinansiranja i finansiranja projekata po vrsti šumsko-uzgojnih radova kako slijedi:

- uzgajanje šuma.....	995.184,15 KM
- zaštita šuma.....	327.063,36 KM
- stručne analize.....	25.915,50 KM
- rasadnička proizvodnja.....	148.729,53 KM
- naučno-istraživački rad.....	201.270,00 KM
- deminiranje.....	300.000,00 KM
UKUPNO.....	1.998.162,54 KM

### **III POSTIGNUTI REZULTATI**

- U cilju provođenja Zakona o koncesijama (“Službene novine Kantona Sarajevo”, broj 27/11), Zakona o rudarstvu (“Službene novine Kantona Sarajevo”, broj 29/12) i Zakona o geološkim istraživanjima (“Službene novine Kantona Sarajevo”, broj 41/12), kao i Odluke o plaćanju nadoknade za istraživanje i eksploataciju mineralnih sirovina na području Kantona Sarajevo (“Službene novine Kantona Sarajevo”, broj 9/02), i Odluke o naknadi za eksploataciju vode na području Kantona Sarajevo (“Službene novine Kantona Sarajevo”, broj 29/12), poduzimane su svakodnevno mjere na provođenju zakonskih propisa kroz kontakte sa privrednim društvima, Kantonalnom upravom za inspeksijske poslove i Pravobranilaštvom Kantona Sarajevo. Za privredna društva za koje je postojao osnov, vezan za neispunjavanje zakonskih ili ugovornih obaveza, pisane su opomene, odnosno zahtjevi Kantonalnoj upravi za inspeksijske poslove i Pravobranilaštvu Kantona Sarajevo za inspeksijske preglede, podizanje tužbi protiv istih i poduzimanje ostalih mjera u skladu sa pozitivnim zakonskim propisima.
- U oblasti energetike, odobrena su finansijska sredstva u iznosu od 200.000,00 KM firmi "BAGS-Energotehnika" d.d. Vogošća, u svrhu plaćanja pogonskog energenta za proizvodnju toplotne energije;

- U oblasti zanatstva - obrta u 2014. godini Ministarstvo privrede Kantona Sarajevo je, kao i prethodnih godina, u budžetu za 2014. godinu planiralo finansijska podsticajna sredstva za očuvanje i razvoj tradicionalnih i starih zanata - obrta u iznosu od 100.000,00 KM. Ministarstvo privrede Kantona Sarajevo je 29.05.2014. godine objavilo Javni poziv za dodjelu podsticajnih sredstava za očuvanje i razvoj tradicionalnih i starih zanata - obrta na području Kantona Sarajevo u 2014.godini. Na javni poziv se prijavilo 208 zanatlija - obrtnika, a podsticajna sredstva u pojedinačnom iznosu od 350,00 KM odobreno je za 200 zanatlija - obrtnika. Na osnovu Uredbe o kriterijima za finansiranje programa i projekata neprofitnih organizacija i udruženja koja se finansiraju/sufinansiraju iz Budžeta Kantona Sarajevo, objavljen je Javni poziv za finansiranje/sufinansiranje projekata za očuvanje i razvoj starih tradicionalnih zanata u Kantonu Sarajevo. Za ovu aktivnost Ministarstvo privrede je izdvojilo 30.000,00 KM i sufinansiralo četiri projekta.
- Ministarstvo privrede Kantona Sarajevo je u cilju podrške razvoju domaće privrede zaključilo Ugovor o pružanju usluga organizovanja održavanja manifestacije "Sajam domaće privrede" sa Udruženjem "Kupujmo i koristimo domaće sa sjedištem u Sarajevu, a ugovorna cijena je 4.500,00 KM.

#### Novčani podsticaji za poljoprivrednu proizvodnju

- Podsticaji se implementiraju na osnovu Zakona o novčanim podsticajima u poljoprivredi na području Kantona Sarajevo ("Službene novine Kantona Sarajevo" broj 1/12) i Zakona o izmjenama Zakona o novčanim podsticajima u poljoprivredi na području Kantona Sarajevo ("Službene novine Kantona Sarajevo" broj 15/13), te podzakonskih akata: Pravilnika o posebnim uslovima za ostvarenje prava na novčani podsticaj i Odluke o iznosima novčanih podsticaja, minimalnim uslovima za početak proizvodnje, minimalnim uslovima za investiranje i rokovima podnošenja zahtjeva, te i drugih zakonskih propisa iz okvira rada organa uprave.
- Pravilnik o posebnim uslovima za ostvarenje prava na novčani podsticaj donosi ministar u roku 90 dana od stupanja na snagu zakona. U cilju određenih poboljšanja u 2014. godini donesen je Pravilnik o izmjenama i dopunama pravilnika o posebnim uslovima za ostvarenje prava na novčani podsticaj ("Službene novine Kantona Sarajevo", broj 39/14).
- Obzirom da je Odluka kasno donesena ovo Odjeljenje ima poremećenu dinamiku rada, jer se zahtjevi mogu rješavati tek po donošenju Odluke tj. njenog stupanja na snagu.
- Navodimo činjenicu da je kontinuirano, tokom navedenog perioda vršeno zaprimanje predmeta i njihova obrada na terenu, ali je njihovo rješavanje započeto tek krajem septembra, tj. po usvajanju Odluke i instaliranju programa za izradu tih rješenja. Navedeno kašnjenje donošenja Odluke se negativno odrazilo na broj riješenih predmeta i upitno da li će se uspjeti završiti svi predmeti do kraja godine, kao što smo to činili u svim prethodnim godinama.
- U 2014. godini utrošena su sredstva u iznosu od 3.245.000,00 KM za novčane podsticaje u poljoprivredi, s tim da je u 2015.godinu prenesen iznos od 180 000,00 KM.
- U 2014. godini zaprimljeno je 2 242 predmeta za kantonalni novčani podsticaj i 737 za federalni novčani podsticaj.

- Za realizaciju Protokola o razrješavanju međusobnih odnosa između zakupaca, kao investitora i KJP Centar “Skenderija” d.o.o. Sarajevo kao vlasnika poslovnih prostora (koji je usvojila Skupština Kantona) izdvojena su planirana sredstva za sufinansiranje dijela zakupnine poslovnih prostora u privrednom gradu “Skenderija” u iznosu od 192.500,00 KM.
- U okviru sajamskih aktivnosti i manifestacija na ime sufinansiranja manifestacije “Sarajevski sajam privrede, poljoprivrede i zanatstva 2014” izdvojena su sredstva u iznosu 20.000,00 KM KJP Centar “Skenderija”, a za održavanje sajamske manifestacije “EKO- FEST 2014” izdvojena su sredstva u iznosu 45.000,00 KM KJP “ZOI '84” OCS d.o.o. Sarajevo.

Ministarstvo privrede je u 2014. godini izdvojilo je sredstva za podsticaj turizma, koja su raspoređena za slijedeće namjene:

- projekti značajni za razvoj ili promociju turizma u Kantonu Sarajevo- Projekat “Gdje za ovaj vikend”, u okviru kojeg je u periodu od 3 mjeseca, svakog petka, RTV “Vogošća” emitirala po jednu emisiju iz serijala emisija pod nazivom “Gdje za ovaj vikend”;
- Projekat "Otvaranje zimske turističke sezone 2014/15";
- U saradnji sa Turističkom zajednicom Kantona Sarajevo, KJP "ZOI 84" Olimpijski centar i hotelom "Maršal" sufinansiran je projekat "Otvaranje zimske turističke sezone 2014/15 na Bjelašnici", čiji je cilj promocija i unapređenje zimskog turizma na olimpijskim planinama.
- Otvaranje i uspostavljanja rada turističkog info-punkta na Bjelašnici, koji će služiti isključivo za informisanje turista i gostiju, te podjelu propagandnog materijala, a u svrhu promocije turizma na olimpijskim planinama, kao i turizma Grada i Kantona Sarajevo.

#### Sajamske aktivnosti

- U okviru sajamskih aktivnosti i manifestacija sufinansiran je sajam “Dani turizma u Sarajevu 2014”.
- Sufinansiranje projekta iz oblasti ekologije i turizma koji se odnosi na ambijentalno uređenje mikroturističkih lokaliteta: Veliko polje na Igmanu, lokalitet hotela “Maršal” na Bjelašnici, lokalitet Jošanički potok, Vogošća i lokalitet Misoča, Ilijaš. Radovi se odnose na čišćenje terena od anorganskog otpada, izradu i postavljanje mobilijara za rekreaciju i odmor: klupe, ljuljačke, klackalice, postavljanje nadstrešnica, ograda, obavještajnih panoa, a sve u cilju unapređenja uslova za brži razvoj turizma na mikrolokacijama pogodnim za zadovoljavanje socijalnih, zdravstvenih i rekreacionih potreba domaćih i stranih turista.
- **Programom mjera korištenja i uređenja poljoprivrednog zemljišta u inundacionim područjima** obuhvaćeni su projekti kojim će se finansirati uređenja riječnih korita u cilju zaštite poljoprivrednog zemljišta od poplava u inundacionim područjima. Realizacijom ovih projekata smanjit će se štetni uticaji od poplavnih voda na poljoprivrednom zemljištu, te zaštititi stanovništvo i materijalna dobra.

Shodno raspoloživim sredstvima u iznosu od 2.312.484,65 KM u Budžetu Kantona Sarajevo za 2014. godinu, a na osnovu višegodišnjeg praćenja stanja poljoprivrednog



zemljišta u poplavnim zonama, sa posebnom pažnjom na inundaciona područja, utvrđeni su sljedeći prioriteti po općinama:

Općina i naziv projekta	Iznos sredstava
<b>NOVI GRAD</b>	
• Regulacija vodotoka Lepeničkog potoka	100.000,00
<b>ILIDŽA</b>	753.011,81
• Uređenje korita rijeke Bosne u Sarajevskom polju-Ilidža	453.011,81
• Nastavak radova na regulaciji rijeke Zujevine kod Bosanke Blažuj L-100 m (od P12-P15)	300.000,00
• TRNOVO	70.000,00
• Izgradnja vodopojilišta STUBO	10.000,00
• Uređenje korita rijeke Krsinje u Pendičićima	60.000,00
<b>ILIJAS</b>	400.000,00
• Uređenje dijela korita rijeke Misoče na potezu naselja Mlini-Kamenica (od P-13 - P-20)	220.000,00
• Uređenje dijela korita rijeke Ljubine kroz naselje Srednje (od P-19-P-23)	90.000,00
• Uređenje korita rijeke Misoče od Jahorinskog mosta uzvodno kroz Mline (od P-12-P-15)	90.000,00
<b>VOGOŠĆA</b>	550.000,00
• LOT 1.Izvođenje radova na regulaciji rijeke Ljubine (od P-15 - P-17)	200.000,00
• LOT 2.Izvođenje radova obaloutvrđnog zida na rijeci Ljubini (od P-1 - P-6)	150.000,00
• LOT 3.Izvođenje radova na regulaciji rijeke Ljubine od stac. 6+329,13 do stac. 6+632,19	150.000,00
• Izvođenje radova na lokalitetu ušća rijeke Vogošće u Bosnu	50.000,00
<b>HADŽIĆI</b>	300.000,00
• Regulacija korita rijeke Zujevine u naseljenom mjestu Binježevo	93.000,00
• Regulacija korita rijeke Zujevine u naseljenom mjestu Hadžići-Centar	93.000,00
• Regulacija korita rijeke Zujevine u naseljenom mjestu Hadžići-Dupovci	21.000,00
• Regulacija korita rijeke Zujevine u naseljenom mjestu Pazarić	93.000,00
• Neizvršeni radovi iz programa za 2013. godinu	
<b>TRNOVO</b>	30.000,00
• Uređenje korita rijeke Krsinje u Gračanici	30.000,00
• Neizvršene obaveze iz ranijih godina	
<b>ILIDŽA</b>	49.587,09
• Uređenje riječnog korita rijeke Zujevine u naselju Osijek	49.587,09
<b>NOVI GRAD</b>	59.885,7
• Čišćenje rijeka: Miljacke, Dobrinje i Lepenice	59.885,75

- Značajne površine visokokvalitetnog poljoprivrednog zemljišta nalaze se u inundacionim područjima vodotoka i koriste se za poljoprivrednu proizvodnju.
- U zadnje vrijeme smo svjedoci da su gotovo svake godine poslije obilnih padavina naročito u proljeće i jesen sve učestalije poplave, koje nanose velike štete kako poljoprivrednom zemljištu tako i usjevima i objektima, te stanovništvu koje živi na tim ugroženim područjima.
- Na području Kantona Sarajevo najugroženija su područja oko rijeka Bosne, Željeznice, Zujevine, Miljacke i Tilave u Sarajevskom polju, te rijeka Misoče u Ilijašu i Jošanice u Vogošći.

Površine koje se među prvim nađu na „udaru“ od poplava su inundaciona područja. Tu su visokokvalitetna aluvijalna zemljišta povoljnih fizičkih i hemijskih osobina. Obzirom da se ova zemljišta nalaze u blizini rijeka imaju sve potrebne preduslove za razvoj povrtlarstva (mogućnost navodnjavanja) jedne od najintenzivnijih i najrentabilnijih grana poljoprivrede.

Realizacijom Programa zaštite poljoprivrednog zemljišta od poplava u inundacionim područjima uređenjem riječnih korita na području Kantona Sarajevo stvoreni su odgovarajući preduslovi za intenziviranje poljoprivredne proizvodnje, jer su negativni uticaji od poplava u značajnoj mjeri umanjeni.

Finansijska sredstva za realizaciju Programa obezbijedena su u Budžetu Ministarstva privrede Kantona Sarajevo za 2014. godinu na poziciji „Pretvaranje nepoljoprivrednog zemljišta u poljoprivredno zemljište“ u iznosu od 2.312.484,65 KM.

Rezultatima ovog Programa zaključno sa 2014. godine su sljedeći:

- Općine Novi Grad i Hadžići su sve odobrene Projekte u potpunosti završile.
- U Općini Ilidža jedan Projekat je u potpunosti završen, a Projekat uređenja riječnog korita rijeke Bosne u Sarajevskom polju nije realizovan.
- U općini Trnovo dva Projekta su u potpunosti realizovana, a Projekat izgradnje vodopojilišta Stubo nije realizovan.
- U općini Ilijaš Projekat uređenja korita rijeke Misoče od Jahorinskog mosta uzvodno kroz Mline nije realizovan.
- Općina Vogošća sva četiri projekta nije u potpunosti realizovala.
- Važno je napomenuti da sve će sve ugovorene finansijske obaveze koje sa 31.12.2014. godine ne budu situirane i dostavljene Ministarstvu, biti predmet dogovora za 2015. godinu.
- U cilju ostvarivanja prava po Zakonu o novčanim podsticajima u poljoprivredi na području Kantona Sarajevo do kraja ovog izvještajnog perioda zaprimljeno je 2242 kantonalnih zahtjeva i 737 federalnih zahtjeva.

### ***Provođenje Operativnog plana***

I u 2014. godini Ministarstvo privrede-Uprava za šumarstvo je nastavila sa aktivnostima na provođenju „Operativnog plana zaštite šuma od bespravnih aktivnosti na području Kantona Sarajevo“.

Navedenim Operativnim planom definisani su strateški ciljevi i to:

- Bespravne sječe

- Bespravni transport drvene mase
- Postojanje nelegalnih reznih jedinica

### ***Bespravne sječe***

Realizacijom navedenog registrovane su bespravne sječe u privatnim i državnim šumama, odnosno sveukupna količina registrovanih bespravni sječa na području svih odjeljenja je 7.579,9 m<sup>3</sup> drvene mase za period 01.01-31.12.2014. godine. Od navedene količine 3.067,51m<sup>3</sup> je u privatnim šumama, a u državnim šumama 4.512,4 m<sup>3</sup> drvene mase.

U periodu 01.01.-31.12.2014. godine ukupno je obrađeno 517 prijava za bespravne sječe. Od ovog broja ukupno je podnešeno 58 krivičnih (sječa preko 2 m<sup>3</sup>) i 459 prekršajnih prijava. Ukupna bespravno posječene drvena masa u državnim šumama koja je pokrivena putem prijava iznosi 955,19 m<sup>3</sup>. Ukupna bespravno posječene drvena masa u privatnim šumama koja je pokrivena putem prijava iznosi 1.860,99 m<sup>3</sup>

Ukupna bespravno posječene drvena masa u državnim i privatnim šumama koja je pokrivena putem prijava iznosi 2.816,18 m<sup>3</sup>

### ***Bespravni transport drvene mase (oblovine, rezane grade i mobilijara)***

U okviru „Operativnog plana zaštite šuma od bespravni aktivnosti na području Kantona Sarajevo“ pripadnici Ministarstva privrede-Uprave za šumarstvo i MUP-a izvršili su 50 kontrola prometa šumskih drvnih sortimenata na prethodno definisanim kontrolnim tačkama. Tom prilikom zaplijenjeno je ukupno 800,26 m<sup>3</sup> drvene mase.

Na području odjeljenja Hadžići-Ilidža izuzeto je 352 m<sup>3</sup> drvene mase, na području odjeljenja Ilijaš izuzeto je 395 m<sup>3</sup> drvene mase, na području odjeljenja Centar izuzeto je 42 m<sup>3</sup> drvene mase i na području odjeljenja Trnovo izuzeto je 11,26 m<sup>3</sup> drvene mase. Drvena masa je predata K.J.P “Sarajevo-šume“d.o.o. Sarajevo.

### ***Nelegalne rezne jedinice***

Problem nelegalni reznih jedinica na području općine Ilijaš permanentno je prisutan od okončanja rata do danas. Iz godine u godinu trend ovih aktivnosti je rastao. Danas je to veoma ozbiljan problem koji prijete narušavanju strukture šumskih resursa na ovom području. Svako je ovo pitanje posljedica ekonomsko-socioloških prilika u našem društvu.

Shvatajući značaj ovog problema u okviru “Operativnog plana zaštite šuma od bespravni aktivnosti za područje Kantona Sarajevo” definisan je poseban strateški cilj kojim su propisani potrebni koraci u smislu borbe protiv nelegalnog rada reznih jedinica.

### ***Zahtjevi za sječju i doznačena drvena masa***

U periodu 01.01-31.12.2014. godine Uprava za šumarstvo je zaprimila 214 zahtjeva za sječju od strane vlasnika privatni šuma sa područja Kantona Sarajevo. Nakon prijema zahtjeva izvršena je doznaka 4.714,85 m<sup>3</sup> drvene mase.

U odjeljenju Hadžići-Ilidža zaprimljeno je 92 zahtjeva i doznačeno 1.565,00 m<sup>3</sup> drvene mase. U odjeljenju Trnovo zaprimljeno je 35 zahtjeva i doznačeno 673,00 m<sup>3</sup> drvene mase. U odjeljenju Ilijaš zaprimljeno je 57 zahtjeva i doznačeno 1.307,00 m<sup>3</sup> drvene mase.

U odjeljenju Centar zaprimljeno je 30 zahtjeva i doznačeno 1.169,85 m<sup>3</sup> drvne mase.

### ***Pošumljavanje privatnih šuma i šumskog zemljišta na području Kantona Sarajevo***

U proteklom periodu izvršena je besplatna dodjela 249.674 komada šumskih sadnica zainteresovanim vlasnicima privatnih šuma koji su iskazali potrebu i spremnost za pošumljavanje na svoji privatnim posjedima. Na ovaj način 190 vlasnika privatnih parcela je pošumilo površinu od 99,35 ha.

U 2014. godini 7 vlasnika privatnih parcela sa područja općina Trnovo, Ilijaš i Hadžići je apliciralo za dodjelu sadnog materijala. Za svih 7 vlasnika je obezbjeđeno i besplatno dodjeljeno 7.700 sadnica smrčje, jele, bijelog bora, crnog bora, javora i duglazije.

### ***Zaštita šuma od požara***

U okviru svojih nadležnosti Uprava za šumarstvo je vršila permanentne aktivnosti na preventivnim mjerama zaštite šuma od požara. U izvještajnom periodu je registrovano ukupno 38 požara na površini od 67,12 ha i to 20 u državnim šumama na površini od 32,02 ha i 18 u privatnim šumama površine 35,10 ha. Ukupna procjenjena materijalna šteta u državnim šumama, odnosno šteta na drvnoj masi i podmlatku u kulturi za navedeni period iznosi 94.048,40 KM. Izgorjelo je ili trajno oštećeno u kulturama 10.008 kom sadnica na površini od 6,00 ha.

### ***Saradnja sa nevladinim sektorom***

Ministarstvo privrede Kantona Sarajevo je u 2014. godini ostvarilo saradnju sa 15 nevladinih organizacija (udruženja). Udruženjima su putem javnog poziva i ugovora dodijeljena finansijska sredstva radi sufinansiranja projekata i manifestacija značajnih za oblast privrede, što ukupno iznosi 41.680,00 KM. Utrošak sredstava prati se kroz izvještaje koje udruženja dostavljaju nakon realizacije projekata.

## **IV AKTIVNOSTI**

### ***Značajnije aktivnosti***

**Ministar privrede Kantona Sarajevo potpisao je ugovore o izradi šumsko-privredne osnove za ŠPP „Trnovsko“ i ŠVPP „Bistričko“**



Ministar privrede Kantona Sarajevo Emir Hrenovica potpisao je ugovore o izradi šumsko-privredne osnove za šumsko-privredno područja (ŠPP) „Trnovsko“ i šumsko van-privredno područje (ŠVPP) „Bistričko“ sa direktorom firme „Wald Projekt“ d.o.o. iz Bosanske Krupe Ismetom Sendićem.

U pitanju je izrada šumsko-privredne osnove za 23.522 hektara šume na području ŠPP „Trnovsko“ i 5.814,2 hektara šume na području ŠVPP „Bistričko“, prema Zakonu o šumama Kantona Sarajevo“.0

Ukupan iznos sredstava neophodan za realizaciju ovih ugovora je 460.459,80 KM.

### **Potpisan Ugovor o koncesiji za eksploataciju mineralne sirovine dolomita**



Ugovor o koncesiji za eksploataciju mineralne sirovine dolomita u ležištu „Duboki do“ potpisali su ministar privrede Kantona Sarajevo Emir Hrenovica i direktor privrednog društva „Nexe“ Edin Forto. Ovim ugovorom, Privredno društvo „Nexe“ kao koncesionar je stekao pravo eksploatacije 100.000 metara kubnih čvrste mase dolomita u godini.

### **Za sanaciju Hotela „Maršal“ 100.000,00 KM**



Ministarstvo privrede Kantona Sarajevo izdvojilo je 100.000,00 KM za sanaciju objekta Hotela „Maršal“ na Bjelašnici. Sredstva će biti utrošena za sanaciju krova i renoviranje kongresne sale hotela, a dijelom za izmirenje dugova za struju i grijanje ovog privrednog društva. Prema utvrđenom sanacionom planu, prvo će se pristupiti sanaciji krova, a nakon toga će se renovirati kompletna kongresna sala sa 300 mjesta“ i time će se steći elementarni uvjeti da hotel počne ponovo pozitivno poslovati.

### **Posjeta Srednjoj školi za okoliš i drveni dizajn**



Ministar privrede Kantona Sarajevo Emir Hrenovica i direktor Uprave za šumarstvo Kantona Sarajevo Samir Fazlić posjetili su Srednju školu za okoliš i drvni dizajn u Sarajevu. Cilj posjete je bio u usmjeren ka unapređenju suradnje Ministarstva, škole i privrednih subjekata, na polju šumarstva i obrazovanja mladih.

Ova škola je jedna od najstarijih u Kantonu Sarajevo, a osnovana je davne 1889. godine, u vrijeme austro – ugarske uprave. Šumarska škola je nekada bila među najrazvijenijim školama uz veliku podršku privrede i industrije. Danas je teže ostvariti uspjeh i obrazovati kadrove spremne za izazove modernog vremena i finansijske krize.

Prema riječima ministra Hrenovice „potrebno je da se uz dobre ideje i entuzijazam dođe do kvalitetnih projekata bitnih za obrazovanje stručnih kadrova“.

„Šumarije mogu dati svoj doprinos školi i učenicima tako što će surađivati na zajedničkim aktivnostima u oblasti praktične nastave, tokom školske godine“, riječi su direktora Uprave za šumarstvo, gosp. Fazlića.

„Dosadašnja iskustva su pokazala da se jedino upornim radom profesora i suradnjom sa privrednim subjektima može pružiti adekvatan oblik obrazovanja mladih za zanimanja koja su odabrali“, napomenuo je Naser Gegić Koordinator praktične nastave. Tokom posjete su dogovorene smjernice i određeni prioriteti na čijoj realizaciji će se raditi u narednom periodu. Jedan od prioriteta je i nastup učenika na 10. Alpe-Adria šumarskoj olimpijadi koja će se održati u martu naredne godine u Italiji.

### **Potpisana četiri Sporazuma i dva Ugovora o sanaciji i rekonstrukciji lokalnih puteva**



U organizaciji Ministarstva privrede Kantona Sarajevo potpisana su četiri Sporazuma o sanaciji i rekonstrukciji lokalnih puteva na području općina Trnovo, Ilijaš, Hadžići i Vogošća te dva Ugovora sa firmama izvođačima radova.

Inače, na području općine Trnovo radi se o dvije dionice puta od Delijaša preko Balbašića do Grebka u dužini od oko četiri kilometra magistralnog puta M-18.1. koje će biti rekonstruirane i asfaltirane sredstvima u iznosu od ukupno 1.050.000,00 KM. Sredstva u iznosu od 700.000,00 KM je osiguralo Ministarstvo privrede, dok je Direkcija za puteve Kantona Sarajevo izdvojila preostalih 350.000,00 KM. Sredstvima od 700.000,00 KM planirana je izgradnja 2,9 kilometara lokalnog puta Kahrimani – Ljubovčići u općini Hadžići, zašto su navedeni novac osigurali Ministarstvo privrede 300.000,00 KM te po 200.000,00 KM Općina Hažići i Direkcija za ceste Kantona Sarajevo. Dionice lokalnih puteva „Raskršće – Udrabi“ u dužini od 1,3 kilometra „Homar – Ravne“ u dužini od jednog kilometra i „Lepa Luka – Medojevići“ u dužini od 1,3 kilometara na području Općine Ilijaš bit će rekonstruirano sredstvima od 330.000,00 KM od kojih je Ministarstvo privrede osiguralo 250.000,00 KM i Općina Ilijaš 30.000,00 KM, a Direkcija za puteve preostalih 50.000,00 KM. Dva kilometra lokalnog puta od Crvenog križa do Lovačkog doma „Lane“ na području općine Vogošća bit će sanirano sredstvima od 250.000,00 KM od čega je Ministarstvo privrede osiguralo 200.000,00 KM, a Direkcije za ceste Kantona Sarajevo iznos od 50.000,00 KM.

## **Ministarstvo privrede KS sufinansiralo TV serijal o turističkoj ponudi Kantona Sarajevo**



Ministarstvo privrede Kantona Sarajevo sufinansiralo je sa 5.000,00 KM realizaciju serijala emisija o turizmu pod nazivom „Gdje za ovaj vikend“ u programu RTV “Vogošća“. Kroz serijal emisija promovisan je turistički potencijali Kantona Sarajevo, što je važan aspekt politike Ministarstva privrede i razlog njegovog uključivanja u projekt.

Riječ je o serijalu od 12 emisija u trajanju po 40 minuta. U svakoj emisiji predstavljena je po jedna turistička destinacija, počevši od Bijambara, Skakavca, Vrela Bosne, Vijećnice, Tunela spasa, pa do banja na Ilidži i drugih manje poznatih turističkih destinacija koje bi mogle biti atraktivne za posjetioce a kojih nema u kataloškim ponudama turističkih agencija.

## **Ministar privrede KS obišao je Zemljoradničku zadrugu u Tarčinu**



Ministar privrede Kantona Sarajevo Emir Hrenovica obišao je zadrugu u Tarčinu, Općina Hadžići, kako bi se informisao o stanju i novonastalim problemima u poljoprivredi.

Direktor zemljoradničke zadruge u Tarčinu Mehmed Nikšić rekao je da ta zadruga poslije PD "Butmir" proizvodi najveće količine mlijeka te da je najsavremenija farma u Kantonu Sarajevo, ali da zbog političkih interesa imaju problem u poslovanju.

U ime Udruženja peradara FBiH Mesud Pinjo informisao je ministra Hrenovicu da je ta grana privrede uz proizvodnju mlijeka jedna od bolje uređenih grana koja prema državi izmiruje sve obaveze te da je u tom sektoru u Kantonu Sarajevo zaposleno 175 osoba za stalno i 500 sezonski. Podsjetio je da je u Federaciju BiH za 2012. i 2013. godinu uvezeno pilećeg mesa i prerađevina vrijednosti od 56,4 miliona KM, a da je domaća proizvodnja mogla proizvesti 85 posto tog uvoza.

## **Međunarodni poslovni forum Kantona Sarajevo 2014**





„Međunarodni poslovni forum Kantona Sarajevo 2014., održan u Kongresnom centru Terme Ilidža okupio je najeminentnije privredne i finansijske eksperte iz zemlje i inostranstva, predstavnike stranih i domaćih kompanija iz različitih sektora privrede među kojima su građevinarstvo, elektro/metalni sektor, poljoprivredno/prehrambeni sektor, IT sektor, trgovina, i turizam“.

Na Forumu je predstavljen Kanton Sarajevo kao potencijalna investicijska destinacija, a ljudima iz politike i privrede omogućeno je da sagledaju kako da u svjetlu globalizacije iskoriste potencijale za ekonomski razvoj u regiji. Stručnjaci iz regije koji se bave istim poslom imali su priliku da se bolje upoznaju, razgovaraju i razmjene informacije o poslovnim izazovima današnjice i uspostave poslovnu saradnju.

Pored Ministarstva privrede u organizaciju ovog Forumu bio je uključen i British Council u BiH, čiji predstavnici su drugog dana održavanja Forumu stavili akcenat na implementaciju evropskih i međunarodnih standarda u obrazovanju kako bi imali bolji pristup radnom i obrazovnom tržištu Evrope i svijeta.

Učešće u Forumu, pored domaćih kompanija među kojima su Širbegović grupa, Standard, Prevent Sarajevo d.o.o Visoko, uzeli su i Peter Sorensen šef delegacije Evropske unije u BiH i specijalni predstavnik EU u BiH, Holger Schroeder šef Sektora operacija Delegacije EU u BiH, Amir Sarajlić šef projekta unapređenja lokalnog razvoja USAID, prof dr Marko Hočevar sa Ekonomskog fakulteta u Ljubljani, prof dr Svetlana Cenić, predstavnici Turske državne agencije za međunarodnu saradnju (TIKA), Evropske banke za obnovu i razvoj (EBRD) i Olimpijskog festivala evropske mladeži (EYOF) koji si između ostalog govorili o poslovnim izazovima današnjice, ekonomskom razvoju, izvozu na evropsko tržište, prioritetu preuzimanja evropskih normi i fondovima Evropske Unije.

### **Na Grdonju zasađeno 500 sadnica bijelog bora i očišćen prostor budućeg Parka šuma prijateljstva**



Povodom obilježavanja 22. aprila Dana planete Zemlje, uposlenici Ministarstvo privrede Kantona Sarajevo u saradnji sa Kantonalnim javnim preduzećem “Sarajevo šume“ organizirali su akcije pošumljavanja Grdonja i čišćenja prostora budućeg Parka šuma prijateljstva na ovom lokalitetu.

U akciji su također učestvovali učenici i nastavnici Srednje škole za okoliš i drvni dizajn Sarajevo, „Tursko-bosanskog koledža“, studenti i profesori Šumarskog fakulteta Univerziteta u Sarajevu, kao i uposlenici KJP“Sarajevo šume“ i Uprave za šumarstvo Kantona Sarajevo koji su ovim povodom obavili pripremne radove. Na površini od dva hektara, na potezu od Male kule prema Sedreniku zasađeno je 500 sadnica bijelog bora.



## Održana javna rasprava o Prijedlogu odluke o iznosima novčanih podsticaja



U organizaciji Ministarstva privrede Kantona Sarajevo održana je javna rasprava o Prijedlogu odluke o iznosima novčanih podsticaja, minimalnim uslovima za početak proizvodnje, minimalnim uslovima za investiranje i rokovima podnošenja zahtjeva za 2014.godinu. Ministar Hrenovica je ovim putem pozvao sve one koji se bave poljoprivredom da podnesu zahtjeve za ostvarivanje prava na novčani podsticaj čiji budžet je 3.245.000,00 KM, što je za oko 20 posto manje u odnosu na prošlogodišnji iznos.

Za primarnu poljoprivrednu proizvodnju namijenjeno je oko 80 posto, a za kapitalna ulaganja 10 do 20 posto, ovisno o zahtjevima poljoprivrednika.

## Sastanak sa predstavnicima grupacije industrijskih sindikata Kantona Sarajevo

Ministar privrede Kantona Sarajevo Emir Hrenovica susreo se sa predstavnicima grupacije industrijskih sindikata Kantona Sarajevo. Ovaj sastanak je nastavak aktivnosti dogovorenih u protekloj 2013. godini. Na sastanku se govorilo o problemima u oblasti industrije, građevinarstva, šumarstva i ugostiteljstva na području Kantona Sarajevo, načinu unapređenja dalje saradnje između Ministarstva i sindikalnih predstavnika privrednih društava u Kantonu Sarajevo radi bržeg i efikasnijeg djelovanja u privrednim društvima.

## Obilježen „Međunarodni dan šuma“ pošumljavanjem brda Mojnilo



Povodom obilježavanja Međunarodnog dana šuma 21.marta, u organizaciji Uprave za šumarstvo Kantona Sarajevo i KJKP „Sarajevošume“ a pod pokroviteljstvom Ministarstva privrede Kantona Sarajevo, održana je akcija pošumljavanja dijela brda Mojnilo u Općini Novi Grad. U akciji su učestvovali studenti Šumarskog fakulteta Univerziteta u Sarajevu, učenici Škole za okoliš i drveni dizajn Sarajevo i uposlenici navednih kantonalnih javnih preduzeća. Zasađena je 1001 sadnica smrče, ukrasnih biljaka lišćara i katalke.

## Planirane aktivnosti

- Planiranje finansijskih sredstava u budžetu za potrebe u oblasti energetike, industrije, prirodnih resursa, kao i podsticajnih sredstava za očuvanje i razvoj tradicionalnih i starih zanata - obrta;

- Izrada Studije "Potencijalni resursi za proizvodnju i snabdijevanje Kantona Sarajevo toplotnom i električnom energijom". Ovaj studija ima za cilj da identifikuje moguće energetske projekte, uspostavi listu prioriteta realizacije istih, te značajno pomogne u odlučivanju, i da da jasnu sliku potencijalnim investitorima za ulaganje u energetski sektor Kantona Sarajevo;
- Sistemsko praćenje realizacije energetskog bilansa Kantona Sarajevo;
- Sistemsko praćenje realizacije zaključenih koncesionih ugovora
- Sistemsko praćenje rada privrednih društva kojim upravlja ili u čijem upravljanju učestvuje
- Kanton Sarajevo, a putem Ministarstva privrede-Sektora za industriju i energetiku;
- Sistemsko rješavanje statusnih pitanja kod privrednih društva kojim upravlja ili u čijem upravljanju učestvuje Kanton Sarajevo, a putem Ministarstva privrede-Sektora za industriju i energetiku;
- Davanje posebnog naglaska na certificiranje preduzeća prema odnosnim standardima.
- Sistemsko rješavanje statusnih pitanja kod privrednih društva kojim upravlja ili u čijem upravljanju učestvuje Kanton Sarajevo;
- Kod privrednih društava koja se još nisu privatizovala, programska orijentacija je usmjerena na pružanje svih vidova pomoći u cilju razrješavanja problema koji koče proces privatizacije, kako bi se privatizacija okončala;
- Davanje posebnog naglaska na certificiranje preduzeća prema odnosnim standardima;
- Nastavak stimulisanja zimskog turizma i realizacije projekata na skijalištima olimpijskih planina Igmana i Bjelašnice;
- Nastavak projekta izgradnje i obnove objekata Privrednog grada Centar "Skenderija" i ZOI'84 Olimpijski centar;
- Dalje razvijanje i unapređenje turističkog proizvoda Kantona Sarajevo;
- Razvoj pojedinačnih projekata iz oblasti turizma, dalja valorizacija i promocija prirodnih i kulturnih bogatstava Kantona, u cilju rasta broja turista koji posjećuju Kanton Sarajevo;
- Produženje turističke sezone - osmišljavanju sadržaja na olimpijskim planinama i u ljetnom periodu sa KJP "ZOI'84" Olimpijski centar Sarajevo;
- Privlačenje stranih partnera za ulaganja u Kanton Sarajevo po principu javno - privatnog partnerstva;
- Provođenje aktivnosti utvrđenih Strategijom razvoja ruralnih dijelova Kantona Sarajevo;
- Provođenje aktivnosti na podsticaju poljoprivredne proizvodnje;
- Provođenje aktivnosti na uređenju i zaštiti poljoprivrednog zemljišta;
- Provođenje aktivnosti na zaštiti bilja od štetnih insekata i biljnih bolesti;
- Nastavak aktivnosti oko realiziranja planiranih mjera podsticanja poljoprivrednih proizvoda u saradnji sa Federalnim ministarstvom poljoprivrede, vodoprivrede i šumarstva, čime bi se postiglo bolje korištenje vlastitih resursa;
- Povećanje zastupljenosti vještačkog osjemenjavanja i reprodukcije u govedarstvu;
- Povećanje proizvodnje mlijeka po grlu;
- Povećanje zoohigijenskih i zootehničkih uslova kod držanja domaćih životinja u cilju poboljšanja proizvodnje i zdravstvenog stanja te dobivanja higijenski ispravnog i kvalitetnog krajnjeg proizvoda;
- Aktivnosti na zaštiti ribolovnih područja u cilju očuvanja ihtipopulacije;
- Povećanje aktivnosti na proizvodnji i uzgoju uzgojno valjanih junica za tržište i za remont stada;

- Povećanje aktivnosti na uzgojno selekcijskom radu kod svih vrsta domaćih životinja;
- Aktivnosti na zaštiti izvorišta pitke vode u Sarajevskom polju (Bačevo, Stup i Sokolovići), a sve radi zaštite površinskih i podzemnih voda od zagađenja i od drugih štetnih uticaja;
- Izvođenje radova na uređenju vodotoka na području Kantona Sarajevo zbog zaštite od poplava, odnošenja plodnog priobalnog zemljišta, kao i zbog zaštite voda za piće, prema prioritetima, zahtjevima i potrebama pojedinih općina Kantona Sarajevo;
- Nastavak aktivnosti zaštite od poplava na području Kantona Sarajevo prema odredbama kantonalnog operativnog plana odbrane od poplava i utvrđenim rizičnim područjima poštujući i zahtjeve općina;
- Intenziviranje aktivnosti na zaštiti šuma i šumskog zemljišta kao prirodnog bogatstva u skladu sa Zakonom o šumama, kao i praćenje rada i poslovanja KJP "Sarajevo – šume";
- Aktivnosti na uzgajanju šuma i povećanju obima pošumljavanja;
- Provođenje aktivnosti na uzgoju i zaštiti divljači sa akcentom na provođenju aktivnosti na razvoju lovnog turizma i promovisanju lovno - turističkih mogućnosti Kantona Sarajevo;
- Nastavak implementacije Zakona o lovstvu i praćenje rada pravnih lica kojima su povjereni poslovi gospodarenja lovištima;
- Provođenje šumsko - uzgojnih radova i radova na zaštiti šuma kao i izgradnja i sanacija šumske infrastrukture;
- Pružanje stručnih poslova u pogledu gospodarenja privatnim šumama, te nadzora nad gospodarenjem šumama u državnom vlasništvu i
- Poduzimanje aktivnosti na realizaciji programskih ciljeva optimalnog modela upravljanja i gospodarenja šumskim resursima Kantona Sarajevo u skladu sa važećom legislativom iz oblasti šumarstva.

## **V IZVRŠENJE PLANIRANIH KONTINUIRANIH POSLOVA**

- Praćenje rada privrednih društava;
- Praćenje stanja u oblasti zakonodavstva;
- Aktivnosti u postupcima dodjele koncesija i praćenje realizacije zaključenih koncesionih ugovora;
- Praćenje stanja u oblasti prirodnih resursa;
- Rješavanje po žalbama na prvostepena rješenja;
- Shodno Zakonu o vanjskotrgovinskom poslovanju, Ministarstvo je izdalo 8 mišljenja za izvođenje investicionih radova u inostranstvu kako bi se privredni subjekti sa područja Kantona Sarajevo mogli upisati u Registar ugovora za izvođenje investicijskih radova u inostranstvu;
- Shodno Zakonu o unutrašnjoj trgovini izdate su dvije saglasnosti na tržišni red tržišta na malo i trgovačkog centra na području Kantona Sarajevo;
- U 2014. godini ovjereno je 3.318 knjiga od čega 3.107 trgovačkih knjiga na malo (TKM), 11 trgovačkih knjiga na veliko (TKV) i 200 trgovačkih knjiga usluga (TKU);
- Praćenje kretanja maloprodajnih cijena za proizvode i usluge koje su u skladu sa odredbama Zakona o kontroli cijena u nadležnosti Kantona Sarajevo;
- U skladu sa odredbama Zakona o poljoprivrednom zemljištu riješeno je 177 zahtjeva.

- U skladu sa odredbama Zakona o vodama Kantona Sarajevo i Zakona o vodama Federacije BiH riješeno je 277 zahtjeva;
- U skladu sa odredbama Zakona o veterinarstvu ovo Ministarstvo donijelo je 142 rješenja;
- U skladu sa Zakonom o šumama i Zakonom o lovstvu riješeno je 313 zahtjeva.

## **Ministarstvo privrede na putu ka EU**

U Ministarstvu privrede smo svjesni da će proces pristupanja BiH Evropskoj uniji doprinijeti jačanju privrede naše zemlje – između ostalog dobit ćemo ujednačene standarde za poslovanje, slobodnije i transparentnije tržište, uklanjanje carinskih barijera, unaprijeđenu infrastrukturu, bolji pristup tržištima ne samo u EU, već i šire, kao i perspektivu za nove investicije, razvoj turizma, veći izvoz i zapošljavanje.

Stoga, Kanton Sarajevo kao dio BiH, odnosno Ministarstvo privrede teže ka približavanju Evropskim integracijama.

I u 2014. godini predstavnici Ministarstva privrede saradivali su sa Sarajevskom regionalnom agencijom (SERDA) na projektima EU, kao i sa Predstavništvom Kantona u Briselu u cilju promocije privrede Kantona Sarajevo i razmjene aktuelnih informacija. Predstavništvo Kantona Sarajevo u Briselu pomaže približavanje Kantona Sarajevo, kao centralnog dijela BiH, u procesu pridruživanja BiH Evropskim integracijama i daje potpunu informaciju o instrumentima i programima Evropske unije u koje su BiH, a time i Kanton Sarajevo uključeni.

U tom pravcu poduzimali smo sljedeće aktivnosti:

- Ministarstvo privrede je učestvovalo u realizaciji projekta (kroz Savjetodavno tijelo projekta) "Podrške brzorastućim preduzećima" - "Support to the development of the Fast Growing SMEs (FGSME) koji finansira Delegacija EU u BiH, a koji realiziraju Sarajevska regionalna razvojna agencija SERDA u partnerstvu sa Udruženjem poslovnih savjetnika BiH-Lespnet i općinama Vogošća, Ilijaš i Novi Grad. Širok spektar aktivnosti predviđenih projektom podržava MSP posebno imajući u vidu nepovoljan poslovni ambijent i nedostatak finansijskih sredstava za podršku MSP. Uspostavljena baza podataka projekta ima veliki značaj i za Ministarstvo privrede KS i Privrednu komoru FBiH i istovremeno omogućuje kreiranje nekih novih zajedničkih projekata.
- Predstavnici Ministarstva privrede nastavili su suradnju i sudjelovali su u formiranju i radu Lokalnog participativnog foruma za integrirani i održivi turizam u okviru projekta SERDe - INTOURACT (Integrirani turistički akcioni planovi za izvrsnost jugoistočne Europe), koji se realizira u okviru EU programa transnacionalne saradnje za jugoistočnu Europu - 4. Poziv za programski period 2007. - 2013., i kao članovi Lokalnog foruma dali svoj doprinos u identifikaciji prilika, slabosti, prijetnji i šansi u vezi s turizmom na području koji obuhvata Sarajevski kanton i dali inpute koji su bili polazište za izradu Akcionog plana u okviru projekta INTOURACT.
- Nastavljena je saradnja na EU projektu "Povećanje konkurentnosti malih i srednjih preduzeća i jačanje prekograničnih veza u metalnoj industriji - EU METAL 2., čija vrijednost projekta iznosi 365.432,28 Eura.

- Nastavljena je saradnja i u okviru projekta zdravstvenog turizma "Adriatic Health and Vitality Network" - AHVN koji je finansiran u okviru IPA Adriatic Cross Border Cooperation programa, a čiji cilj je stvaranje preduslova za osiguranje/garanciju kvaliteta usluga dentalnog/zdravstvenog turizma.
- U cilju jačanja međunarodne saradnje, promocije privrednih, turističkih, kulturnih potencijala, mogućnosti investiranja i promocije projekata Vlade Kantona, Ministarstvo privrede u saradnji sa Predstavništvom u Briselu i Pres službom Kantona Sarajevo započelo je pripreme oko izdavanja Informativnog mjesečnog biltena.
- Prateći trendove pružanja informacija i promocije putem interneta i društvenih mreža, mjesečni bilten će se raditi u online formi i distribuirati putem službenih portala Kantona Sarajevo, društvenih mreža i mailing liste, a u skladu sa budžetom u određenom broju će biti distribuiran i u štampanoj formi međunarodnim institucijama i organizacijama na području Kantona Sarajevo.
- U cilju izgradnje kapaciteta na svim nivoima uprave u BiH za programiranje i upravljanje projektnim ciklusom, s naglaskom prvenstveno na procedure sufinansiranja iz IPA fondova, Ministarstvo privrede je učestvovalo u projektu EPTISA-e Regional Office SEE - Predstavnici Ministarstva privrede pohađali su i Projektu akademiju SERDA-e o alatima i potrebnim vještinama za uspješno apliciranje i upravljanje EU projektima.

U 2015., prema dostupnosti programa EU, planira se povećan broj aktivnosti na korištenju finansijskih sredstava EU.

## **VI UNUTRAŠNJA ORGANIZACIJA MINISTARSTVA PRIVREDE**

Način rada i unutrašnja organizacija Ministarstva privrede zasniva se na principima kojima se naročito osigurava zakonito, stručno, efikasno i racionalno vršenje poslova i zadataka, puna zaposlenost i odgovornost svih službenika i namještenika u izvršavanju poslova i zadataka, izgrađivanje metoda timskog rada i drugih oblika radnog povezivanja i saradnje u izvršavanju poslova i zadataka, a u cilju blagovremenog ostvarivanja prava i obaveza građana i pravnih lica.

Osnovne organizacione jedinice Ministarstva privrede su:

- Sektor za industriju i energetiku,
- Sektor za trgovinu i ugostiteljstvo i
- Sektor za poljoprivredu, vodoprivredu i šumarstvo.

Unutrašnje organizacione jedinice u sastavu Sektora za poljoprivredu, vodoprivredu i šumarstvo su Odjeljenje poljoprivrede, vodoprivrede i šumarstva i Odjeljenje za poljoprivredne stručne poslove.

U sastavu Ministarstva privrede su Uprava za šumarstvo i Direkcija za turizam.

Poslovi koji su neposredno organizaciono vezani za rukovodioca ministarstva obavljaju se u izvan organizacionoj jedinici.

Pravilnikom o unutrašnjoj organizaciji Ministarstva privrede sistematizovana su radna mjesta za 108 izvršilaca: 50 državnih službenika (VSS) i 58 namještenika (SSS).